

SPORAZUM O NAUČNOJ, OBRAZOVNOJ I STRUČNOJ SURADNJI IZMEĐU

VISOKE ŠKOLE „CEPS - CENTAR ZA POSLOVNE STUDIJE“ KISELJAK (U DALJEM TEKSTU „CEPS“)

I

GS1 - UDRUŽENJE ZA AUTOMATSKU IDENTIFIKACIJU, ELEKTRONKSU RAZMJENU PODATAKA I UPRAVLJANJE POSLOVNIM PROCESIMA BIH (U DALJEM TEKSTU „GS1“)

Vođeni željom i potrebom za uspostavljanjem međusobne suradnje u oblasti nauke, obrazovanja i struke,

Spremni na efikasnu suradnju koja će doprinijeti razmjeni iskustava i znanja,

Potvrđujući zajedničko zalaganje i interes za unaprijeđivanjem suradnje u oblasti edukacije i naučnog istraživanja,

„CEPS“ i „GS1“ suglasili su se o slijedećem:

Svrha i oblast suradnje

Članak 1.

Suradnjom će se uspostaviti partnerski odnosi između strana u stručnoj, obrazovnoj i naučno-istraživačkoj oblasti.

Način ostvarivanja suradnje

Članak 2.

Strane će međusobno surađivati kroz razne oblike, a posebno kroz:

1. Mogućnost zajedničkog organiziranja naučno-istraživačkih aktivnosti, konferencija, simpozija, seminara, radionica i ulaganja zajedničkih napora za osiguranje finansijskih sredstava iz vanjskih izvora,
2. Razmjenu stručnih i naučnih informacija kroz razmjenu časopisa, elektronskih časopisa, publikacija, udžbeničke literature i drugog stručnog materijala, resursa i usluga na osnovu reciprociteta,
3. Izradu zajedničkih istraživačkih projekata,
4. Izvođenje programa necikličnog (cjeloživotnog) obrazovanja,
5. Obuka, certifikacija i akreditacija osoblja,
6. Promociju individualnih kontakata među akademskim i stručnim kadrom,
7. Razmjenu akademskog i stručnog kadra u redovnim i posebnim edukativnim procesima u kojima strane učestvuju,
8. Organizaciju studentskih praksi,
9. Izradu programa usavršavanja akademskog i stručnog kadra,
10. Poticaj aktivnosti od zajedničkog interesa obje institucije,
11. Proučavanje problema od zajedničkog interesa i pronalaženje najboljih načina njihovog rješavanja,
12. Druge oblike suradnje od zajedničkog interesa.

Upotreba dokumentacije i stručnih radova

Članak 3.

Strane će, uz potpuno uvažavanje autorskih prava i zaštite osobnih podataka, voditi računa koje analize ili druge stručne radove i do koje mjere mogu učiniti dostupnima javnosti i drugim nadležnim organima.

Izmjene i dopune Sporazuma

Članak 4.

Ovaj Sporazum podliježe izmjenama i dopunama, uz pisanu suglasnost obje strane.

Važenje Sporazuma

Članak 5.

Ovaj Sporazum se zaključuje na neodređeno vrijeme, a stupa na snagu danom potpisivanja.

Prestanak Sporazuma

Članak 6.

Sporazum prestaje važiti njegovim otkazom jedne od strana u pisanom obliku.

Strana koja traži raskid Sporazuma, dužna je obavijestiti u pisanom obliku drugu stranu, najmanje šest (6) mjeseci prije dana određenog za raskid Sporazuma.

U slučaju raskida Sporazuma, prestaju važiti prava i obveze koji su proizašli iz sklopljenih ugovora na osnovu članka 2. ovog Sporazuma, s tim da se svaka strana obvezuje potpuno podmiriti sve eventualne obveze prema kadru, financijerima ili trećim osobama, po dostavi pismenog obavještenja o raskidu Sporazuma.

Članak 7.

Ovaj Sporazum je sastavljen u dva (2) istovjetna primjerka, od kojih svaka strana zadržava po jedan (1) primjerak.

Broj 608/20

Datum: 10.03.2020. godine

Za „CEPS“

Pred. VŠ Mirzo Selimić, direktor



Za „GS1“

GS1 - Udruženje
identifikaciju, sigurnost, integritet
podatke i usluge u poslovanju
procesima poslovanja

Amina Hadžić, direktor